

2014 Hanningayuq Kuugaq Havanga Hunniumaititlugu Havagutai Ukiumun Nainaqhimayuq

Una nainaiqhimayuq piniaqhimayai piyaunit havagiaqaqtai tapkuat Rescan-kut Qauyihainiqmun Laisa Nappaa 04 012 14N-M taphumunga Hanningayuq Kuugaq Havanga nuna.

Tamna Hanningayuq Kuugaq Havanga nuna inilik tahamani Pingangnaani Kitikmeotni Nunavut, mikhaani 50 kilaamitat nigiani Kingaok. Sabina Guulit Silverlu Kuapurisan havakpaktuq havikhaqhiurnqimun huliniinik guulinik piqaqninut talvangat tamatkiknit tapkuak Goose Hiniktarvik tamnalu George Hiniktarvik.

Avatiliqutinut hunniumaititlugit naunaiyainit kayuhiyut 2014-mi. Hunniumaititlugit naunaiyarnit havaktauyut 2014-mi pinahuaqhimayut tapkuninga nunani hanianiittuni pivaliatitaulaqtut tahamani Hanningayuq Kuugaq Havanguyumi (Goose Hiniktarvik tamnalu George Hiniktarvik, tapkuat niginganiittiqhat ihuani Kingaok), atulaqtukhaqlu ukiumi apqut aulagiakhat atatyutai havanguyut hanalgutainut.

2014 hunniumaititlugit naunaiyainit ilalgit tahapkuninga:

- o katitiqni nunaliquitinut tuhagakhat talvanga Goose tamanlu George hiniktarvit nunaitni, talvanilu Kingaokmi;
- o katitiqni maniqap qangani imaliquitit tuhagakhat kuugauyaqnit avataani Goose hiniktarvik nunani tamnalu George hiniktarvik nunani, atuqhugit aatumiit imaqmun uuktugautiqaqvit uuktuqninut harvagiknit kuukpaknitlu;
- o katitiqnit itininut tuhagakhat tapkunanga 7 tahiit tapkuaklu 2 tahiqaq tahamani ukiumi apqutauyup nalaani, talvani nigingani ihuani Kingaok, avataanilu taphuma George hiniktarvik nunani;
- o katitiqni ilutuyut nunap iluani imaqtai immat nakuunit naunaiyaqni ilutuyunit imaqaqviknit iliuqaqhimayut 2013-mi haniani Goose Hiniktarvik;
- o katitiqni imigaulat imait nakuunit naunaiyaqni tapkunanga malguknit tahiqaq haniani nigingani hihuani Kingaok;
- o havaknit kuugauyaq tahiqlu Iqaluit nayuqpaktai iqaluqaqnitlu naunaiyaqni haniani nigingani ihuani Kingaok tamnalu Goose Hiniktarvik nunani, havaknilu iqaluqalat qauyihaqnit talvani Goose Hiniktarvik nunani;
- o nuktilat-piksaliutit naunaiyaqnit tuktut; tamnalu
- o qauyihaqnit inituqlituqat piqutituqat inaitlu tahamani Goose Hiniktarvik nunani.

Hunniumaititlugit tuhagakhat katitaunit kayuhilaqmiyut 2015-mi piplugit qanuqtut qauyimayuyut qauyihainit kayuhiyakhait tapkuatlu Sabina-kut upalungaiyautai pilagutikhanut pivaliatitaulaqtutlu.